

Pāketi o le Sefulu Tausaga 2021-2031

Pāketi Fuafua Mamao
Pāketi o le toe Fuata'i

OUR
RECOVERY
BUDGET



'Oto'otoga o le Faaiuga

O le Tala Faatatau o le Tupe mo le 10 tausaga, 2021 -2031 (O loo faaigoaina foi O Fuafuaga Alualu Mamao) o le Tala Faatatau o le Tupe mo le toe Faaleleia o Aukilani. O aafiaga o le Koviti19 sa faigata ai ona tuufatasia lenei Tala Faatatau o le Tupe ma sa faia ai foi ma ni faaiuga ogaoga, ae peitai ua mafai lava ona tuuina i ai ma se tino i tupe ua avea ma matāti'a e tusa lea ma le \$31.8 piliona o tupe faafaigaluega e faatatau tonu i le fausiaina ma le teuteuina lelei o Galuega Tetele tāua, ma ia faaauau le tuuina atu o auunaga pito manaomia ua avea ai Aukilani o se nofoaga maoa'e e nonofo, galulue ma fialia ai. O le tulaga ausia ua iai le faaluina o tupe o le a mafai ai foi ona tuuina atu ni faamanuiaga iloga mo le tamaoaiga o Aukilani ma fesoasoani i le faateleina o ni avanoa faigaluega.

E lima ni vaega tāua o loo manaomia ai ni a outou fautuaga ma finagalo ma ia mafai ai ona matou faia iai ni faaiuga

1. Sailiga o le Fua Paleni

O le polokalame o le tala faatatau o tupe faaalu e \$31.8 piliona o loo aga'itono i le fō'ia o le poloka o auala mo taavale afi ma le saogalemu i auala, fesoasoani i le atiina'e ma fale e nonofo ai tagata, puipui le siosiomaga ma faaleleia le suavai, ma tali atu i aafiaga mai suiga o le tau. O le totogiina o nei galuega tetele, ua tuufatasia ai nisi o siitaga o tau totogi (rates), siitia aitalafu mo se taimi puupuu, faatauina ese atu o ni aseta silia, ma saili nisi auala e faaitiitia ai tupe totogi atu.

2. Galuega faatatau i le Suiga o le Tau

Ua tele nisi o galuega o loo fatino e tali atu ai i aafiaga o le suiga o le tau ma o lenei tala faatatau o le tupe mo le 10 tausaga ua atofaina ai se tupe faaopopo e tusa ma le \$152 miliona mo nisi fuafuaga ua taoto mai, e aofia ai: le faatauina mai na'o pasi e faaoga ai le eletise po o le kasa o le Haitorokeni e amata atu nei, totōina o le 200 heka (1 le eka = 2.4 heka) o laau o le vaomatua i tatou paka faaitumalo ma le isi 11,000 o laau totōina faaopopo i paka tu taulaga o Aukilani, ma faatupulaia galuega ma fesoataiga mo le faaleleia o lapisi toe faaogaina

3. Fesoasoani i le faatupulaia o nisi o vaega tāua.

A'o faatupula'ia pea le faitau aofa'i o tagata, ua tupu ai foi ma le mana'oga mo galuega fou e faatumauiina ai le lelei o 'auala, vaipaipa, femalaga'iga lautele, paka ma nofoaga faaitumalo.

O le fuafuaga faataatia 'autasi mo Aukilani ua faamalositia ai le maopoopoga o le taulaga ma o le tala o le tupu faatatau mo le isi 10 tausaga ua filifilia ai na o ni vaega e faasoasoa iai alaga'oa ua maua. O ni vaega lava nei ua faatāuina e le mālō.

4. Faamalietia o mana'oga o tagata o le itumālō.

O aso ua mavae sa matou ofoina atu ai 'au'aunaga e ala i fale ma le faaleleia o aseta faaitumālō. I le taimi nei ua tele nisi o auunaga faaitumalo ua feso'ota'i, o le tele ua faasolo ina tuai ma ua moomia le toe faafou. Ona o lea tulaga, ma le siitia o le aofa'i ma le 'ese'esega o tagatanu'u, ua matou toe faalauteleina atili ai le faaoina atu o 'au'aunaga - e ala atu i ni faigafaapa'aga, auala o feso'ota'iga faatekonolosi, ma le faateleina o aogā o 'au'aunaga.

5. Puipuia ma le faatuputeleina o le siosiomaga faalenatura.

I le tausaga e 2018 sa matou faalauiloa ai ni tau totogi fou mo ni vaega se lua ina ia fesoasoani e fofō le afaina o le siosiomaga ma le suavai i vaitafe ma uafu. O nei tau totogi sa faamoemoe e faato'ā faamuta i le 2028 ao lea ua toe faaumi atu i le 2031 ina ia faatumauiina le laasaga ua saunia. E le gata i lea, ua siitia foi le Tau Totogi o le Suavai Faaleleia ia o gatusa ma le siitaga lautele, ia mafai ai ona vave amataina i le 6 tausaga le fausiaina o poloketi.

Talu ai ona o nisi nei o faafitauli tūgā mo le fuafuaga o tupe o le isi 10 tausaga, ua matou faia ai foi ni faaiuga o tulafono mo tau totogi (e aofia ai ma le tau totogi o nofoaga tu taulaga), suiga o pili totogi ma faasalaga, faatasi ma le suiga o le umiaina o nisi o a tatou aseta. Ua faaogaina foi e la tatou fono faatonu faaitumālō ni isi o a latou maliega faasui taito'atasi. Mo nisi faamatalaga ma ni faafesili e uiga i nei fuafuaga silasila ane i la tatou 'upega tafa'ilagi lenei aucklandcouncil.govt.nz/recoverybudget